

斷句之十四

百刻今知一刻推總然一刻萬千時千年萬載歸一刻一刻之中始見奇

斷句之十五

這段功夫不可名名時猶恐慢愚民還家路近應無阻造化原來喜現成

斷句之十六

度人心願了無窮棲雀傳來第一宗直指返還無贖義眼前花月最圓通

短歌之一

道藏輯要  
三寶心鑑  
求丹藥固形神不遇明師未得真君其問水濱

三

壁集四

短歌之二

種琪花采玉芝耕地鋤田要早知春來無失時

短歌之三

重立鼎再安鑑分明返本此工夫好去問麻姑

短歌之四

乾坤理姤復機今朝說破在東西金土自相宜

短歌之五

道不遠求諸人安心調息養精神胎結產奇珍

短歌之六

擒龍虎伏汞鉛轉運河車不記年丹成上九天

短歌之七

達造化曉陰陽人元一點透金光從此返家鄉

短歌之八

坎離精天地髓求東還是去求西烏兔不奔飛

短歌之九

簇五行合四象齊歸一處中宮養好待嬰兒長

短歌之十

十月功三萬刻逆轉黃河流不竭海底珠凝結

短歌之十一

道藏輯要

三寶心錄

三五

璧集四

防刑險卯酉月此時沐浴休輕忽千金真口訣

短歌之十二

玄中玄妙裏妙得手呵呵一大性命須臾了

性命

元始真如謂之性抱元守一謂之命

性本先天立因身便不靈只今全放下依舊顯光明

體用

法天象地謂之體負陰抱陽謂之用

天地立根基元神是化機一般關捩子料得少人知

龍虎